



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

CXLIII. Cambium inter Iohannem Episcopum Pinnensem & Casauriensem
Abbatem Adam de duabus curtibus Saliano & Suffiano.

urn:nbn:de:hbz:466:1-22974

Hacfredi iridem Archidiaconi, VVigoni Subdiaconi, Adalberti Presbyteri, Ramonis Presbyteri, Amalici Diaconi, Atmerici Levita, Blanderici Sacrificæ, necnon & laicorum præsentia, Auruconi Rosolionensis Vicecomitis, Adalberti Impuritanensis Vicecomitis, sive in præsentia Gauzfredi, Benconi, Reinardi, Olibani, Atoni, Vndilani, & aliorum ceterorumque multorum bonorum hominum qui cum ipsis ibidem aderant, in eorum supradictorum, ut dictum est, præsentia prædictus Comes vel filius ejus Sumarius prædictam pacificationem vel stagnum in potestate sancti Petri simul adintegrum tradiderunt, sub isto videlicet ordine ut quicquid deinceps præscriptus Abba & successores sui cunctaque congregatio ibidem Deo sub regula almi patris Benedicti militantes agere vel definire voluerint, in eorum consistat arbitrio, sine alicujus minoracione vel contradicione. Et ut hæc consilio firmior ab omnibus hominibus teneretur, manu propria prædictus Comes vel ejus filius Sumarius venerandus Episcopus uterque subter firmaverunt, & bonis hominibus ut eam roborarent petierunt. Exarata est igitur hæc scriptura cessionis vel conlaudationis die pridie Nonarum Augusti anno dominicæ trabecationis DCCCCLXXIII. Indictione XI. anno videlicet XII. Francorum Rege Lothario regnante. Signum Gauzfredi gratia Dei Comes. Signum Borrellus gratia Dei Comes. Signum Miro gratia Dei Episcopus. Signum Sumarius Episcopus. Signum Arnulfus sanctæ sedis Ierundenfis Episcopus.

CXLIII.

Cambium inter Iohannem Episcopum Pinnensem & Casariensem Abbatem Adam de duabus curiis Saliano & Sulfiano.

An. 969.
Ex chartulario monasterij Casariensis.

IN Dei nomine, Ab incarnatione Domini nostri DCCCCLXXIII. Ortone gratia Dei & divina ordinante providentia & Ortone filio ejus Imperatoribus Augustissimis, anno Imperij Domini Ottonis Deo propitio V. & Ottonis filij ejus Deo propitio II. mense Octobri per Indictionem XIIII. Ideo constat me Iohannem sanctæ sedis Pinnensis Ecclesiæ Episcopum de episcopio sancti Maximi, quod situm est infra muros civitatis Pinnensis, unaque per voluntatem & consentientibus mihi primaris sacerdotibus vel Canonici qui præordinati sunt in officio supradictæ sanctæ sedis, commutasse atque cambiavi tecum Domino Adam Abbate de monasterio sanctæ Trinitatis, quod situm est in insula Piscariæ, in locum qui nominatur Casa aurea, ubi corpus sancti Clementis reconditum est, eo quod in pristina lege institutum est à Domino Astulpho Rege ut Pontifices & Abbates licentiam haberent commutationem facere. Et iterum Dominus Ludovicus Imperator in sua capitula affixit ut ubi ex utraque parte ecclesiasticum fuisset, rectores earundem Ecclesiarum, si se familiariter pacificare velint, licentiam habeant. Ideo igitur ego qui supra Iohannes Episcopus in Tom. II.

Lib. 3. lex Longobard. tit. 10. c. 1.
Lib. 4. Capitular. c. 23.

hac commutatione familiariter pacificationem facio tecum prænominato Domino Adam Abbate de re juris proprietatis sancti nostri episcopij in territorio Pinnensi, id est, integra ipsa curte nostra de Saliano, cum ipsa Ecclesia sancti Rustici, & cum omni integra pertinentia de ipsa jamdicta curte, cum calis, terris, & vineis, cum pomis & arboribus suis, seu cum omnibus que super se vel infra se habentur, cum aquis & ulu aquarum vel decursibus ejus, cultis vel incultis, campis & silvis, ripis & ripinis, omnia & in omnibus que ad ipsam jamdictam curtem & prædictam Ecclesiam sancti Rustici pertinent vel pertinere debent, sicut supra legitur. Et sunt ipse res per singulas petias mensurate insimul modiorum trecentorum, & sunt infra fines sine Tricalio de Galifano & sine via que pergit ab ipso supradicto Tricalio quomodo pergit ab Assianello, quomodo venit usque ad fluvium Maone & sine fluvio Gomanio & sine ipsa via que pergit à Leguniano quomodo venit ad ipsum vadum de illo lavandario in fluvio Gomanio. Et si amplius fuerint res nostri episcopij infra præscriptas fines, ad manus nostras vel ad nostram Ecclesiam nullam exinde fecimus reservationem vel exceptionem, sed in integrum & in omnibus in hac commutatione seu familiaritatis pacificatione sic dedi ego qui supra Iohannes Episcopus tibi Domino Adam Abbati ad proprietatem præscripti sancti vestri monasterij. In quo recepi ego qui supra Iohannes Episcopus à te præscripto Adam Abbate de re juris sancti vestri monasterij, id est, integram ipsam curtem de Sulfiano cum ipsa Ecclesia sanctæ Mariæ & cum omnia integra pertinentia de ipsa jamdicta curte & de supra scripta Ecclesia, cum calis, terris, vineis, campis & silvis, rivis cum aquis seu aquarum decursibus, cum pomis & arboribus suis, seu cum omnibus que super se vel infra se habentur que ad ipsam præscriptam curtem & Ecclesiam pertinent vel pertinere videntur infra fines sine Tricalio de sancto Pancratio & rigo de Severiano & sine rigo de VValdo sine fluvio Tabe & sine fluvio Fine & sine inter Sulfiano & Cicle. Et sunt ipse præscriptæ res per singula mensurate petiæ insimul modiorum trecentorum. Et si amplius fuerint ipse præscriptæ res infra prænominate fines ad ipsam jamdictam curtem & Ecclesiam pertinentes, ad manus vestras nec ad partem vestræ Ecclesiæ nullam exinde fecisti reservationem nec exceptionem, sed in integrum & in omnibus recepi ego Iohannes Episcopus ad proprietatem sanctæ nostræ Ecclesiæ possidendam. Et quando ista commutatio facta fuit, super ambarum rerum interfuerunt de parte mea Pontificis fuit Missus VValbertus iudex, & cum eo fuerunt tres boni & veraces homines, quorum nomina sunt Iohannes & Adelbertus & Leo, qui viderunt & extimaverunt quod similes, & æquales erant ipse præscriptæ res quas ego Iohannes Episcopus tibi Domino Adam Abbate ad partem nostri episcopij recepi. Similiter & similes & æquales erant ipse præscriptæ res quas ego Iohannes Episcopus tibi Domino Adam Abbati ad partem vestræ Ecclesiæ tradidi & dedi in hac commutatione seu familiaritatis pacificatione. Et hoc repromitto

EEccc ij

vel obligo me ego suprascriptus Iohannes Episcopus vel posteros successores meos colligo tibi Domino Adam Abbati vel posteros successoribus tuis seu ad ipsam suprascriptam vestram Ecclesiam, si aliquo tempore istam nostram commutationem removere vel dirumpere voluerimus, aut si à nobis pro vobis omni tempore defenata non fuerit, ut componam ego Iohannes Episcopus vel posteri successores mei tibi Domino Adam Abbati vel posteros successoribus tuis penam de auro purissimo libras centum. Quam verò cartulam commutationis rogatus à suprascripto Domino Iohanne Episcopo scripsi ego Romaldus Notarius & Scabinus die istius mensis & Indictione suprascripta. Adum in Pinne. Ego Iohannes Episcopus in hac commutatione à me facta manu mea scripsi. Ego Lupo Archidiaconus in hac commutatione consensit & manu mea scripsi. Ego Leo Presbyter & Canonicus & cultus Ecclesie. Ego Leo Presbyter ac Canonicus in hac commutatione consensit & manu mea scripsi. Ego VValbertus iudex. Ego Leo. Ego Adelbertus, rogati à Domino Iohanne Episcopo & aestimatores interfuimus & manibus nostris scripsimus.

CXLIV.

Ava Comitisse Rusinonensis cesso ad Ecclesiam Helenensem.

An. 971.
Ex chartulario
Ecclesie Helenensis lib.
1. c. 26.

Scripturarum series declarat ut quicumque enim vult evadere æternum supplicium, de rebus istis transitoriis debet sibi preparare viam salutis æternæ. Ob hoc igitur ego in Dei nomine Ava Comitissa & filius meus nomine Sonarius gratia Dei sedis Elenensis Præful donatores sumus ad domum sanctæ Eulalie martyris matris Ecclesiarum Rossilionensium seu Vallæ Aspirensium necnon & vallæ Confluentium. Sic donamus nos jam prædicti ego Ava Comitissa & Dominus Sonarius gratia Dei sedis Elenensis Episcopus, sic donamus ipsum nostrum alodem quem nos habemus in comitatu Rossilionensi, quem nuncupant nomine Troliars, ad jam prædictam Ecclesiam sanctæ Eulalie martyris. Et advenit mihi ad me iamdictam Avam Comitissam ipse alodius superius perscriptus tam per parentum vocem quam per excomparationem aut per excommutationem sive per donationem aut per impignorationem vel per qualemcunque acquisitionem. Et mihi Sonario Episcopo advenit per donationem de genitrice mea jam superius perscripta nomine Ava Comitissa. Et habet ipse alodius nomine Troliars cum ipsas villas, vel cum ipsos villares, vel cum ipsa Ecclesia quam nuncupant sanctum Assildum martyrem, affrontationes & terminos de oriente in ipso rivo arido, ubi fundata esse dinoscitur ipsa Ecclesiola cui dicunt nomine sanctæ Eulalie; & collaterat vel subjungit usque ad ipsas terminos de A sinides, vel de Candello, quod est de cœnobio sancti Andree Apostoli. De meridie affrontat vel collaterat usque in ipsum locum ubi vocabulum est Fontem Genesij. De occiduo affrontat vel subjun-

git atque collaterat in ipsas affrontationes vel terminos de Terrados, & percurrit usque ad ipsum locum ubi vocabulum est ad ipsa vasa. De Circio affrontat in ipsa Guardia quæ est in ipso termino de Pontiliano; & collaterat ad ipsam rivan fractam, vel subjungit in ipso rivo arido, qui exinde pergit. Quantum infra istas quatuor affrontationes vel collaterationes atque subjunctiones per gyrum atque per circuitum earum pertinet vel pertinere debet, sic donamus nos jam suprascripti ego Ava Comitissa & filius meus gratia Dei sedis Elenensis nomine Sonarius Præful ad domum sanctæ Eulalie martyris ipsum alodem superius scriptum cum ipsa villa vel cum ipsa Ecclesia, id est, casis, casalibus, curtis, curtalibus, hortis, hortatibus, terris, & vineis vinealibus, petris, puteis, fontibus, pratis, pascuis, silvis, garricis, aquis, aquarumve ductibus vel reductibus earum, oglatis tam rusticum quam & urbanum, seu & ipsa Ecclesia sancti Assildi, cum ipsas primitias & ipsas decimas vel panes propositionis, vel cum ipsas redhibitiones quas ipsa Ecclesia habet vel habere debet. Omnia & in omnibus, sicut superius resonat, sic donamus ad prædictam Ecclesiam sanctæ Eulalie martyris, cum omni integritate, cum exitibus & regressibus earum, & cum omnibus fundis vel superposita earum, vel cum omni limite earum, totum & ab integro. Quod si nos donatores aut ulla secularis potestas tam laicorum quam Clericorum aut sexus feminarum quid de ea demere, de hac Ecclesia aliquid abstrahere voluerit, in primis iram Dei omnipotentis incurrat, & à limitibus sanctæ Dei Ecclesie & à collegio omnium Christianorum habeantur extranei, & cum Datan & Abiron simul habeant participationem, & hoc quod querit non appetat, sed in duplo vel triplo compositionem faciat ad domum sanctæ Eulalie martyris vel ad ipsos assistentes qui à dicto tempore misericordiam Dei deprecantes erunt, & inantea ista scriptura donationis firmum & stabile habeat velle atque robur. Ea verò ratione videlicet servata ut dum ego Ava Comitissa viva fuero, teneam & possideam & exfructare faciam cunctis diebus vite mee. Post obitum verò meum pervenire faciat ipsos alodes, sicut superius est reiteratum, ad domum sanctæ Eulalie martyris pro timore Dei & pro redemptione anime mee vel pro redemptione anime Domini Sonarij gratia Dei sedis Elenensis Theologi; ut post hujus vite labentis cursum, reddere ei faciat Deus omnipotens præmium æternum cum corona glorie in resurrectione justorum, ubi semper fulgent sancti ante conspectum Dei. Pacta ista scriptura donationis sub die 111. Kal. Augusti anno xviii. regnante Leutario Rege filio Ludovici Regis. Signum Ave Comitisse, quæ istam donationem feci, & testes firmare rogavi. Sunarius Episcopus. Volueradas Archilevita. Volueradas Levita.

